

نومبر ۱۰ — ۲۴

نسخہ سی ۲۰ پارہ در



امور ادارہ و تحریر و اعلانات و ساثرہ ایچون مدیر
مسئولہ مراجعت ابدلیدر .

آبونہ سی بر سنہک اعتباریلہ ممالک عثمانیہ ایچون
۱۰ و ممالک اجنبیہ ایچون ۲۰ خروددر .

محل ادارہ باب عالی جوارندہ ابوالسعود جادہ سندہ
نجم استقبال مطبعہ سی

شمذیلک اون بش کوندہ بر نشر اولنور

مرقای امتک مقالات متصوفانہ لرنہ جریدہ
صوفیہ تک صحنہ لری آجیدر .

تصوفی ، دینی اخلاقی ، جریدہ اسلامیہ در

« من عرف نفس فقد عرف ربہ »

مرکب اولہ جق اولورسہ اولسون ، وجودینک وجود
اضافی اولدینکی و حالنک دخی هیچ شہسز امکان عدمی بولندینکی
ذوقاً تفہم ایدہ جک اولورسہ وجود حقیقی مصدر حقیقی اولان
جناب جہان آفرینک اولدینکی اکالار مرتبہ احدیتدہ آفتاب کی
بر جوہر ایدک ، اومقام مقدسده تفرقہ و تجزیہ دہ متصور دکلدی
یعنی حقایق عینہ دہ بر بریزدن متعین و متمسک دکل ایدک ، بلکہ
آب کی بی عقدہ آفتاب کی منبسط بر نور ایدک نورک تعریفی
« ظاہر فی نفسہ مظهر لغیرہ » در . جناب خلاق عالم بوصورت
و شہادت یوقدن یعنی بطوندن اظهار بیوردقدہ مر مظهر استعداد
غیبیہ ازیلہ سنہ کورہ بر برندن متمسک و متعین اولدیلر . مشہوداتمر
اولان ممتازات ، بڑہ نسبتلہ در حقیقت نقطہ نظرندن معدومدر .


خود بین مرکز خدا بین نشود

قول عارفانہ سی کندوبی کورنلرک جناب فاطر اقدس ہیچ بر
وقت کورہ میہ جکرینی اتحاد حقیقی بہ و وحدت معنویہ بہ پیوستہ
اولہ میہ جقارینی اعلام بیورر .

ای طالبان اسرار حقیقت و سالکان طریق وحدت بو محصلہ
کائناتک و زمرة موجوداتک میانندہ اولان فرق و تمیزی ،
مغایرت و اختلافی رفع ایتمکہ جہد و جزم و صرف ہمت مزید
ایلہ ، ایلکہ پیوستہ مقام وحدت و مرتبہ حقیقت اولہ سک .

مر ضعیف الدہن اولان کیمسہ لک ضیق و نا پختہ اولان
حوسلہ لری اسرار توحیدی ، عظمت لاهوتی پکدہ او قدر
قولایقلہ قبول و ہضم ایدہ من غیر حد سولہ مک آرزوسندہ
بولندیم بعض حقایق صوفیہ جناب پر افندمن بر نصیحت
جہانپسندانہ حکمندہ اولان اشبو بیت شریفقرندہ اثبات
بیورمشلردر .

جیست توحید خدا آموختن خویشتن را پیش واحد سوختن



حلولیلہ مباهی اولدینمز عبد سعید اضحی نک
شرف تبریکی ایلہ بالجلہ اهل اسلام حقندہ مبارک
و متین اولسنی جریدہ صوفیہ الطاف سبحانیہ دن
نمی ایدر .

فَلْتَسَنَّفْ

توحید

(التوحید اسقاط الاضافات) اسقاط الاضافات ایلہ توحید ابتدا
و انتها ناپذیر بر دریای عظیمدر . یعنی تقیدی ناقابل بر کل ،
مطلق بر کلا در . فن توحیددہ موحد ایلہ موحدک وجودی تقرر
ایدرسہ توحید حقیقی تظاهر ایتمز ؛ عالم معانی و حقایقہ مرشیدی
متحددر . انسانلر موجب تفرقہ اولان صورتی یعنی تقابل اسماء الہی بی
افتضاء استعداد نامتناہی اولان اختلافاتی ترک ایدہ جک اولورلر
ایسہ رام معنایی اختیار ایتمش و اتحاد حقیقی بہ و وحدت مطلقہ بہ
وحدت معنویہ بہ داخل اولمش اولورلر . « خلقکم من نفس واحدہ
آبت جلیلہ سی اشبو حقیقت ساطعہ بہ برشاهد عادلدر . مقتضیات
صورت ، لوازم طبیعتدن خلاص اولاق ایچون سرکش صورتی
ازملی دائماً ازملیدر . بودہ یا کسی و یا خود وہی اولور . جہت
کسی بی ریاضات و مجاہدات ایلہ حاصل اولدینی کی و ہیبتی
دخی غایت ربانیدن بر لطف ؛ جذبات رحمانیہ دن بر جذبہ ؛
متشبث یعنی سالک فتلہ عشقنی ، حرارتی بر دخی سونمہ مک
اوزرہ باقمہ سیدر . ایستہ بو حال سالکی صورت قیدندن خلاص و محو
نابود ایدرک کنج وحدتہ ابصال ایلر .

موحد حقیقتیک توحیدینی یعنی اتحاد حقیقی ، وحدت مطلقه و توحید معنوی بی او کرمک ، کندیونی حضور واحد حقیقیده افنا اتمکدر یعنی وجود موهوم بشریه ، اوصاف مفروضه ذاتیه سنی انش عشق و محبت کبریا ایله یاقدر .

تا نفخت فیه من روحی شنیدم شد یقین
بر من این معنی که ماز آن وی و اوز آن ماست

انسانلر کندیلری طوپراق کی خوار و حقیر ذلیل و بی اعتبار کوره جک اولورلر ایسه کمال محویتلری درجه سنده حق و حقیقتلری ارتقا و اعتلا اتمش اولورلر . اگر سنده ، بزه سودای اعتلا و ارایسه شب کی ظلماتی اولان وجودی یاقیز که : امانیت اثری قالمیوب بقای حقله باقی قالهلم . زیرا اهل تصوف کندیولرندن کیمش حقله باقی قالمش اولانلردر . اوبله قونفرانس لریمده فلان خود بینانه سوزلر سوبله مامایدر . اوبله پک جابج یوکسلنلرده هر حالده موقع حقیقلری درجه سنده دوئونه رک اداره کلام اتملیدر .

امان قرده شلر محویتکارلی عادت ایدرک حقندن استمانه ایدلم عظمت فروش اولانلرک نزد الهیده محو اوله جقلری بدیهیدر .

منو بخوان

فتوحات اسلامیة

بِسْمِ اللَّهِ الرَّحْمَنِ الرَّحِيمِ

مکه مکرمهده شافعی مفتیایک اتمش اولان علمای اعلامدن (السید احمد بن السید زینی دحلان) علیه رحمة والفران دیورکه : دور جلیل پیغمبری بی متعاقب اصحاب کرام ایله اولوردن صوکرای کی ملوک و خلفا عصرنده وقوعه کان فتوحات اسلامیة حاوی اواق اوزره یازدیغ شو مختصر اثره ، الفتوحات الاسلامیه بعد مضي الفتوحات النبویه ، نامی ویردم و صدیق اکبر زماننده کی فتحلردن باشلادم .

خليفة مشارالیه حضرت تبریک اول فتوحاتی ، اسامه ابن زید ، رضی الله عنهما نیک غلبه سیدر . اسامه نیک قوماندایک ایتدیکی عسکر طرف پیغمبریدن تجهیز بیورلش و قومانداننه ، پدرینک شهید اولدینی یلره (.) کیده رک اورالک آثاره چیکنه دلمسی امر اولونمشدی .

(۰) هجرتک ۸ نجی بیلنده (زید بن حادنه) (جعفر بن ابی طالب) (عبدالله بن رواحه) کی کبار اصحابدن اوج بویوک ذاتک قوماندانلغنده شهید اولدینی سربنک میدان کازراری اولان (مؤنه) (کوی که) (بلقا) قریه لردن ایدی .

اسامه ایله معیتک عزیمتندن مقدم ارتحال پیغمبری وقوع بولدی . قبائل عربدن برجوغی مرند اولدی . اصحاب کرامدن بعضاری ، جیس اسامه نیک تأخیر اعزامی تکلیفنده بولوندیارسده خایفه حضرتلری بوتکلیفی رد ایله :

- بی جانوارلر قایاجنی بیلسیم بینه رسول اللهک تجهیز بویوردینی عسکری تأخیر ایده مسم . دیدی . جناب اسامه ؛ عسکری آلوب کیتدی . ارتداد اتمش اولان (بی قضاعه) بلده لرله (بلقا) مضاماندن بولونان ابی (اوزرینه آقین اجرا ایدرک اهالیدن کیمی اولدردی . کیمی اسیر آلدی . مظفر و مغنم اولارق فرق کون ظرفنده دونوب کلدی .

خایفه حضرتلری اسامه نیک غیبتی اشسندمه نمرضی بر تشبده بولونمادی .

بوفرقه نیک عزیمتیه مظفر آعودتی ، اسلام حقنده پک خیرلی اولدی . چوکه قبائل عربک بعضیه اهل اسلامک قوت و سلطونی باقی اولسه بوبله برعسکر ترتیب و تسمیر ایده مزیدی . دیهرک ایستمدیکنی یایماه قاییشامادی کی ظفر واقع اوزره رینه ده فورقوب سیندی .

انتقال نبوی بی متعاقب قریش ایله ثقیفدن ماعداً قبائل عرب ارتداد ایتدی . قریشک شایسته (سهیل بن عمرو العاصری) رضی الله عنهما - حضرت ابوبکرک اهل مدینه بی تسکین ایدن خطبه سی طرزنده او قودینی بر نطق سبب اولدی .

رحلت پیغمبری خبر مؤسفی مکبه واصل اولونجه بلده مکرمه برندن اوینامش ، اهالیسی ده هان هان ارتداده قالمشمشدی . بونی کورن سهیل بن عمرو ، کعبه معظمه نیک قاپیسی اوکنده طوروب اطرافه سسله ندی و باشنه طویلانلره - الله حد و شا و پیغمبره صلوات و تحایا عرضندن صوکرای - رسول اللهک عالم آخرتی تشریفی سوبلیوب :

- ایها الناس ! هر کیم محمدک پرستشکاری ایسه بیلش اولسون که او ، ارتحال اتمشدر . الله عبادت ایله بیلرسه ذاتاً بیلیرلرکه او ، حی لایموتدر . پیامز میسکرکه جناب حق (انک لمیت و انهم لمیتون) (وما محمد الا رسول قد خلت من قبله الرسل) بویورمشدر .

دیدی . ده بر جوق آیت ده او قودی . بعده :

- ای ناس ! والله العظيم بیایورم که : بو دین مبین ، شمس و قمرک طلوع و غروب مدتیجه دوام ایده جکدر . ای مکه اهالیسی اک صوکه اسلامه کلوب ایلک دفعه مرند اولمایه قالمایکیز . بالله الکرم . الله ، بو دینی اعلا ایایه جکدر . نیته کیم رسول اللهی بوراده ، طوردیغ نقطه ده کورمشده که ایاقد اولدقاری خالد . بنخله برابر لاله الا الله ده یکیز . عرب ، سزک دینکزه کیره جک ،